

張氏歸田記

第三冊

遷安縣志卷六

輿地志一

疆域

今之府州縣皆曰知知猶主也實謂其合四境之利病而周知之也邑合邊城內外廣輪幾數百里而遙封守固與田野闢與民風醇土習端與事之當知者何限事之當知而不必盡知者又何限痾瘵切一身樞機應千里斯固守土者之所當惕然深念者矣

口內邊界

東西廣二百里南北袤七十五里

東至孤莊兒與盧龍縣接壤距縣三十里又東至山海關二百二十里

西至鹿兒嶺與遵化州接壤距縣一百五十里又西至京都四百八十里保定府八百一十里

南至野雞坨與灤州接壤距縣三十五里又南至樂亭綠洋海二百里

北至白羊峪邊城距縣六十里

東南至分屬嶺與盧龍縣接壤距縣二十里又東南至府城四十里

東北至劉家營與盧龍縣接壤距縣五十里

西北至喜峯口邊城距縣一百八十里

西南至乾河草與灤州接壤距縣七十里又西南至
豐潤縣一百四十里

口外邊界

東北出桃林口至茨兒山與撫甯縣接壤距縣一百
八十里

北出冷口至絆馬河爲界距縣二百二十里

從前與三臺理

藩院接壤約轄四百餘里於乾隆三年設塔
子溝廳遂分屬焉四十三年改立建昌縣

北出董家口並喜峯口至冰窖口爲界距縣二百四

十里

從前與蒙古接壤約轄千里於雍正三年設立
八溝廳遂分屬焉乾隆四十三年改立平泉州

西北出潘家口至門子哨爲界距縣二百六十里從前管至化魚溝與密雲縣接壤約轄五百餘里於雍正元年設熱河廳遂分屬焉乾隆四十三年改立承德府

西出龍井關至雄山與遵化州接壤距縣二百四十里

星野

星土之說昉於周禮自戰國甘石家來其言益詳而地勢差互度數多寡論者疑之即其占亦或驗或否豈天道變而難測抑或後人之術遠不逮於古乎周禮總義析木燕之分星此就全燕而論遷

之在燕不過彈丸黑子耳分星度數殊難確指姑
仍其舊以俟後之知其說者

周禮總義析木燕之分星幽州之星土也

月令章句自尾四度至斗六度謂之析木之次立冬小
雪居之燕之分野

春秋左傳注箕斗之間有天漢故謂之析木之津

春秋元命苞箕尾散爲幽州分爲燕國

春秋說題辭箕尾在燕

晉書天文志自尾十度至南斗十一度爲析木於辰在

寅燕之分野屬幽州

費直周易分野析木起尾九度
蔡邕月令章句析木起尾四度

明史天文志永平府尾分

山川

高山流水豈徒表形勝已哉蓋可樵可漁興寶藏而資灌溉亦民利之所存也若乃登高作賦臨流觀化所以寄託於俯仰間者又豈微乎邑固山水區也茲將舊志所載少加考核仍按口內口外方向分列並著明距縣距口里數間附題詠於後亦可以得一邑之勝概矣

縣東北

岳孤山 距縣三里屹然獨峙一名耀孤山亦名要孤

山陽有古寺三里河經其麓南爲次君山又南爲分屬嶺與盧龍界

蟒山 距城十五里產鐵昔有冶古傳山東有深穴

三蟒出入爲害官軍射殺之村因以名西南三里許

有蘭若院山南卽牛山在岳孤山東半舍

案顧祖禹讀史方輿

記要謂蟒山以山形蜿蜒而名

蘭若院山 高十丈周三里上有廢堡今人呼爲羊欄

山

曬甲山 距城二十里或云李廣曬甲於此或云唐王

無徵焉迤東爲青山巖

馬恂曬甲山懷古詩云風雪鐵衣冷揮汗鐵衣涇鐵
衣欲解無時休連山戍火傳烽急夜保前山望敵兵
朝開戎幕列連營朝朝夜夜鐵衣重歲歲年年邊戍
更沙場春草黏天碧指點空山曬甲名曬甲誰自逸
枕戈英雄出鐵馬偶放閑金鱗光射日山石巉峽風
颭颭鐵衣未乾催筆策將軍戰罷脫征衣千騎奔騰
雪打圍齊向山前住麾節瞳矐紫塞麗陽暉浴鐵光
寒解金鎖小偃干戈盤礴裸兜鍪蟻蝨久欲忘坐撫
青唐惟爾我青唐鍾甲工精良貫竅還能刮箭鏃驕
陽炙甲劉忠武未許犍尖截順昌茫茫今古誰同異
莽莽黃雲道路長山前片甲今無在笠蓑時來農負
耒曝背山陽話漢唐俗語丹青辨無礙日月光明兵
氣銷中外一家
聖代

河架山 在曬甲山東北又北白羊口河流入漆

瞭蟒山 距城四十里昔傳有蟒樵採者登峯望之山

有紅白二坡紅在冷口關西南灰窯坡下白在口外

三里許圻人取之坡有溫泉有池三可浴明內官繕以石柱木闌今廢僅存一池

明李副使安仁冷口溫泉詩云白雲堆裏碧泉開一脈融融繞戰臺不是榆關寒氣重那知春意此中回
雞林山 在瞭蟒山東徐流口關無蝎其營西爲烽口
山山外水流經薄過莊至萬軍山入青龍河戚少保
開水田處也

武家山 距城四十里山石橫出恣睢奇特其巔有登
龍石周二三丈許上平下銳撼之欲動上寬敞可布
數席里人嘗乘涼於此在瞭蟒山東南鹿尾山之西
鹿尾山 距城六十里高山挺拔俯視羣峯青龍河經

其南與盧龍界

佛兒峪 距城六十里有石高廣三丈就石壁鑿佛

縣東

牛山 距城二十里有石狀如牛故名南爲野狐峪

有水東入漆北踰嶺十里卽驪甲山東十里接萬軍

山

萬軍山 距城三十五里一名帳房山其麓有清玩寺

青龍河自東北而南冷口河自西北而南至山下相

合

縣東南

團山 距城二十里卽次君山也孤竹次君墓在焉

又名團子山舊名覆釜山巒峯獨秀望如覆釜頂上有浮屠號文峯塔萬厯中邑令張九三建禁民採取木石

邑教諭張太復登團山詩云秀絕單椒勢孤高一笠同緣雲盤細路與塔立層空城郭蒼茫外河山指顧中丹霄如可託我欲跨飛鴻

分屬嶺 俗名分水嶺距城二十五里入郡大路有坊

牌與盧龍分界西接龍泉山

張太復分水嶺詩云陰嶺下分水高低路幾灣棹欹殘雪岸樵響夕陽山東北兩疆域春冬三往還青帘招客處駐馬且松關

馬恂分屬嶺倒垂古松詩云翻身低攬水何不擎青天龍飲噴山雨松回壓嶺烟因依空雜木吟嘯動前賢相識蒼髯叟非遙四十年自註云下有巨石鐫楚黃魏師段龍吟虎嘯四字

縣南

龍泉山 距城十五里山屏聳秀蒼松林立灤水環帶

中有古刹邑人讀書者多發迹焉山腰有泉甚清冽

歲旱禱雨輒應因名曰聖水泉上有蟒洞遺蹟又有

石方丈餘萬厯中邑人李安仁題眠雲漱月四字於

上西接爪村山

案龍泉世謂齊桓伐山戎所鑿蟻知泉脈者也

爪村山 距城十五里產白土上有石城昔人於此避

兵西南接嵐山

嵐山 距城三十里翠色層沓望之氣沸沸如蒸雖

晴不減水經注素河出令支縣之藍山卽此山根有

洞南爲秦王頂爲羊角雙山

明邑人李副使安仁嵐山疊翠詩云列嶂千霄翠黛
凝露蒸霧擁碧雲層斜陽笛裏山城暮徙倚南樓興
倍增

羊角雙山 在嵐山南沙河經之澚有石磯曰釣臺至
野雞坨與盧龍西洞山界乃灤之陰沙之陽也

縣西南

黃臺山 距城三里山多黃土其狀如臺灤水自西北
來經其右南流至嵐山折而東山陽有棲真寺寺西

爲龍王藥王二廟乾隆丙寅處州太守鄭勲建亭於
其上春夏之交遊人讌集遠眺嵐山俯視灤渡洵遷
邑之勝境也相傳山上有塏深夕返照今遺址尙存
渡灤而西爲五里山

明邑人李成性秋日續遊黃臺山詩云白帝行新令
黃臺憶舊遊山河仍古昔歲月已遷流鳥向洲中集
雲依天際浮投竿垂小釣載酒泛輕舟目醉石
疑虎形忘客似鷗放開江海量收盡水天秋

邑令張一謬登黃臺詩云林巒樹色起晴光野翠谿
風入草堂百尺灤流漱白石萬家碁枰動寒霜清分
蕭寺松前月逸醉香山社裏觴心淨片塵何處著惟
餘琴鶴伴奚囊又云循郊駐轡歷蒼苔極目晴空翠
嶂開野鳥含枝雲外出山僧指月水邊來欲吹青靄
全披谷已送丹霞半入臺何日桑麻盈四境莫教中
澤雁
鴻哀

張太復重九後二日登黃臺山詩云節過黃花冷未
開且攜樽酒上黃臺依然水遠山長勢已後登高作
賦才樹色寒添新雨後河聲怒捲北風
來醉餘藉草高歌劇又聽城頭畫角催
邑閨媛高順貞黃臺夕照詩云日薄衆峯
低紫翠變俄頃返照上孤亭空山荷笠影

五里山 在灤西高十餘丈就石壁鑿佛名石佛寺又
十里有佛兒峪山西爲栖峯北爲芝麻嶺有寺

佛院山 距城三十里山勢環繞中有古刹

松汀山 距城三十五里高六十餘丈矗立沙河中巉

巖峭壁松柏叢翠中有洞三每洞可容二百人昔人
結筏縛梯而上以避兵下有澄潭石孔無數爲魚穴
上有古公侯冢涉河而西自安口而蕎麥山又西爲

香山

香山 距城三十五里南爲沙河驛大路上有寺西

爲岳野山

岳野山

一作耀冶

距城五十里峯巒秀偉下有勝水寺寺後

山勢壁立有龍虎二峯夜聞吟嘯聲寺僧怪之因削

去西有蟲蛇諸峪又西過七家嶺狎狗峪連峯二十

里卽福山

福山 距城六十里與灤州界

挾車嶺 距城四十里

石鼓嶺 距城四十里二嶺俱在佛院山之西又西爲